



The
Property
Institute

Maniffesto i Gymru 2026

Gwella bywydau
perchnogion tai Cymru

*Maniffesto ar gyfer gwella safonau,
diogelwch a chynaliadwyedd mewn
cartrefi Cymru—cefnogi modelau
perchnogaeth sy'n esblygu,
goruchwyliaeth gryfach ac adeiladau
sy'n cael eu rheoli'n well.*



Llais Proffesiynol Proffesiwn Rheoli Eiddo'r DU

The Property Institute (TPI) yw'r corff proffesiynol blaenllaw ar gyfer y proffesiwn rheoli eiddo preswyl yng Nghymru, Lloegr a'r Alban, sy'n cynrychioli tua 7,500 o reolwyr eiddo a mwy na 380 o gwmnïau asiantau rheoli a ffactorio ledled y DU.

Mae aelodau TPI yn gyfrifol ar y cyd am reoli tua dwy filiwn o gartrefi ar draws miloedd o flociau preswyl yng Nghymru a Lloegr, fflatiau rhydd-ddaliadol yn yr Alban a chartrefi adeilad-i-rentu sefydliadol ledled y DU.

Diben The Property Institute yw codi safonau mewn rheoli adeiladau preswyl, gan sicrhau bod preswylwyr yn ddiogel yn eu cartrefi. Cyflawnir hyn drwy ddarparu ystod eang o gymwysterau achrededig Ofqual, Fframwaith Credydau a Chymwysterau'r Alban (SCQF), cyrsiau hyfforddi a Datblygiad Proffesiynol Parhaus (DPP), ochr yn ochr ag adolygiadau cydymffurfiaeth ar gyfer Aelodau'r Cwmni yng Nghymru a Lloegr yn erbyn Siarter a Safonau'r Defnyddwyr, a darparu canllawiau a chefnogaeth i'r proffesiwn.



Rhagair

Mae polisi tai yng Nghymru mewn cyfnod hollbwysig. Er bod llawer o'r sgwrs genedlaethol yn parhau i ganolbwyntio ar gyflenwad tai, mae ansawdd, diogelwch a chynaliadwyedd hirdymor cartrefi—yn enwedig y rhai mewn adeiladau aml-feddiannaeth—yn rhy aml yn cael eu hanwybyddu.

I gannoedd o filoedd o bobl, nid brics a mortar yn unig sy'n llunio realiti tai, ond pa mor dda y caiff yr adeiladau a'r cymunedau hynny eu rheoli. Mae safon y cynnal a chadw, diogelwch manau cyffredin, y gallu i wneud atgyweiriadau hanfodol, a'r gallu i gynllunio ar gyfer y dyfodol, i gyd yn cael effaith uniongyrchol ar ansawdd bywyd trigolion.


Mae Cymru eisoes wedi cymryd camau pwysig i fynd i'r afael â'r heriau hyn. O ddiwygiadau diogelwch adeiladau a rhaglen gynhwysfawr i adfer cladin, i ddeddfwriaeth tai ehangach, mae cyfeiriad clir tuag at wella safonau ac atebolrwydd. Fodd bynnag, mae bwlch sylweddol o hyd o ran rheoleiddio cyson asiantau rheoli ac o ran grymuso perchnogion tai i gymryd rheolaeth effeithiol dros eu hadeiladau.

Mae gan Lywodraeth Cymru gyfle gwirioneddol i adeiladu ar y cynnydd hwn—ond hefyd i fynd ymhellach. Nid yw hyn yn ymwneud â pharhau â pholisïau presennol yn unig, ond cydnabod lle mae angen newid a chyflwyno system dryloyw sy'n gweithio'n fwy effeithiol i drigolion.

Mae diwygio lesddaliad, ochr yn ochr â'r newid tuag at gyd-ddaliadaeth, yn gyfle unigryw i ailgydbwysu'r system – gan roi mwy o reolaeth, tryloywder a hyder i berchnogion tai yn y ffordd y caiff eu hadeiladau eu rheoli. Ar yr un pryd, mae cyflwyno rheoleiddio cadarn ar asiantau rheoli, wedi'i gefnogi gan gymwysterau gorfodol a safonau proffesiynol, yn hanfodol i sicrhau rheolaeth gyson o ansawdd uchel ar draws y sector.

Mae TPI yn edrych ymlaen at weithio gyda Llywodraeth newydd Cymru i gyflawni newid ystyrlon i drigolion ledled Cymru.


**Andrew Bulmer, CEO
The Property Institute**



Gofynion TPI i Lywodraeth Cymru

Dylai tai yng Nghymru fod yn ddiogel ac yn wydn ar gyfer y dyfodol. Dyna pam mae argymhellion TPI i Lywodraeth Cymru yn canolbwyntio ar dair colofn graidd, pob un yn hanfodol i amddiffyn perchnogion tai:


1



Codi Safonau

Gall unrhyw un sefydlu fel asiant rheoli yng Nghymru heb unrhyw gymwysterau na chymhwysedd. Mae angen rheoleiddio asiantau rheoli yng Nghymru, gan gynnwys cymwysterau gorfodol, aelodaeth orfodol o gorff proffesiynol a datblygiad proffesiynol parhaus (DPP) gorfodol.


2



Gwella Diogelwch

Mae dros hanner yr adeiladau sydd angen gwaith adfer allanol neu fewnol yn dal i aros i waith ddechrau. Rhaid cryfhau mecanweithiau cymorth ariannol ar gyfer adfer, rhaid dwyn datblygwyr sy'n araf i adfer eu hadeiladau i gyfrif, a rhaid gweithredu'r Bil Diogelwch Adeiladau (Cymru) newydd yn effeithiol.

3



Sicrhau Cynaliadwyedd

Mae uwchraddio adeiladau amlfeddiannaeth i ddiogelu eu perfformiad ynni ar gyfer y dyfodol, lleihau allyriadau carbon a gostwng biliau ynni i drigolion yn heriol ond yn hanfodol. Rhaid i Lywodraeth Cymru ddeddfu i alluogi'r rhai sydd â chymalau prydles cyfyngol i gael uwchraddiadau effeithlonrwydd ynni, gwella mynediad lesddeiliaid at gynlluniau ariannu'r Llywodraeth, a chefnogi cynllunio cynnal a chadw hirdymor trwy gronfeydd wrth gefn gorfodol.

Mae TPI yn annog Gweinidogion Cymru, y Senedd, awdurdodau lleol, diwydiant a grwpiau defnyddwyr i weithio mewn partneriaeth â The Property Institute i gyflawni'r blaenoriaethau hyn, er budd perchnogion tai ledled Cymru.





1. Codi Safonau

Codi safonau a chymhwysedd proffesiynol ar gyfer asiantau rheoli

Mae asiantau rheoli yng Nghymru yn chwarae rhan hanfodol wrth gynnal a chadw adeiladau preswyl a rennir a sicrhau eu bod yn ddiogel, yn cael eu rheoli'n dda, ac yn gynaliadwy yn y tymor hir. Yn aml, mae eu cyfrifoldebau'n cynnwys goruchwyllo atgyweiriadau, rheoli cyllid, cydlynw cynnal a chadw, a gweithredu fel y prif bwynt cyswllt i breswylwyr. Mae asiantau rheoli a rheolwyr eiddo yn cyflawni swyddogaethau bob dydd sy'n hanfodol i reoli adeiladau'n effeithiol a diogelwch preswylwyr.

Er gwaethaf pwysigrwydd y rôl hon, nid oes unrhyw gymwysterau na meini prawf gofynnol ar gyfer dod yn asiant rheoli. Gall unrhyw un sefydlu ei hun a dechrau casglu taliadau gwasanaeth gan breswylwyr – a bod yn gyfrifol am gadw llawer o bobl yn ddiogel yn eu cartrefi. Nid oes unrhyw wiriadau ar addasrwydd i gyflawni'r rôl hon na gwybodaeth am ddeddfwriaeth berthnasol.

Mae Cymru wedi cymryd camau sylweddol i gryfhau safonau tai drwy gyfuniad o ddiwygiadau deddfwriaethol. Cyflwynodd [Deddf Tai \(Cymru\) 2014](#) system genedlaethol o gofrestru a thrwyddedu ar gyfer landlordiaid ac asiantau yn y sector rhent preifat drwy [Rhentu Doeth Cymru](#), gan sefydlu lefel sylfaenol o hyfforddiant ac atebolrwydd. Mae hyn yn cael ei ategu gan [Ddeddf Rhentu Cartrefi \(Cymru\) 2016](#), a weithredwyd yn 2022. Gyda'i gilydd, mae'r fframweithiau hyn yn darparu sylfaen bwysig ar gyfer gwella a diogelu preswylwyr o fewn y sector rhent preifat.

Fodd bynnag, mae rheoleiddio'n parhau i fod yn dameidiog. Mae'r gofynion presennol yn berthnasol yn bennaf i landlordiaid ac asiantau gosod tai, ac nid ydynt yn ymestyn i asiantau rheoli sy'n gweithredu mewn adeiladau prydles neu gymysgedd, sy'n rheoli rhannau cyffredin adeilad preswyl a rennir. O ganlyniad, ni roddir yr un amddiffyniadau, tryloywder na sicrwydd o gymhwysedd i berchnogion tai yn yr adeiladau hyn. I fynd i'r afael â hyn.

Dylai Llywodraeth Cymru adeiladu ar ei fframwaith deddfwriaethol presennol drwy hwyluso cyflwyno rheoleiddio asiantau rheoli yng Nghymru. Dylai hyn gynnwys cymwysterau proffesiynol gorfodol ar gyfer asiantau rheoli ac aelodaeth orfodol o gorff proffesiynol, ochr yn ochr â gofynion ar gyfer datblygiad proffesiynol parhaus (DPP), gan sicrhau bod ymarferwyr yn cynnal gwybodaeth a sgiliau cyfredol.

Mae hefyd yn bwysig cydnabod rôl taliadau gwasanaeth mewn adeiladau amlfeddiannaeth. Nid ffioedd dewisol yw'r rhain, ond cyfraniadau gan breswylwyr i dalu costau gwirioneddol cynnal a chadw ac atgyweirio rhannau a rennir o adeilad, gan gynnwys gwaith sy'n hanfodol i ddiogelwch. Mae'n bwysig gwybod eu bod yn wahanol i ffioedd rheoli, sy'n ymwneud â'r gwasanaethau proffesiynol a ddarperir gan asiantau rheoli. Er y gall fod pwysau i gapio taliadau gwasanaeth, mae gwneud hynny'n peryglu tansellio'r gallu i gynnal a chadw adeiladau'n iawn. Yn hytrach, dylai'r ffocws fod ar sicrhau tryloywder, atebolrwydd a safonau uchel ymhlith y rhai sy'n gyfrifol am weinyddu'r cronfeydd hyn.

Drwy gryfhau a chydweddu rheoleiddio ar draws pob deiliadaeth, gall Cymru gefnogi sector rheoli eiddo mwy proffesiynol, atebol a gwydn sy'n amddiffyn perchnogion tai a thrigolion yn well wrth gefnogi stiwardiaeth hirdymor adeiladau.





2. Gwella Diogelwch

Cwblhau'r gwaith cyweirio a chryfhau goruchwyliaeth

Mae sicrhau bod adeiladau aml-feddiannaeth yn wirioneddol ddiogel i fyw ynndynt yn un o'r heriau tai mwyaf brys yng Nghymru heddiw. Mewn ymateb i fethiannau systemig ag amlygwyd gan drasiedïau fel tân Tŵr Grenfell, mae Llywodraeth Cymru wedi deddfu cyfundrefn diogelwch adeiladau newydd gynhwysfawr i wella sut mae safonau diogelwch adeiladau preswyl aml-feddiannaeth yn cael eu hasesu, eu rheoli a'u hadfer. Mae hyn i'w groesawu'n fawr, ond mae llawer o adeiladau'n parhau i fod heb eu trwsio ar hyn o bryd.

Mae'r [Bil Diogelwch Adeiladau \(Cymru\)](#) newydd, a basiodd y Senedd ym mis Mawrth 2026, yn sefydlu dyletswyddau statudol newydd i'r rhai sy'n gyfrifol am adeiladau preswyl amlfeddiannaeth ac yn nodi cyfundrefn ddiogelwch newydd ar gyfer adeiladau o bob uchder, nid dim ond blociau uchel. Mae'n disodli ac yn cryfhau fframweithiau blaenorol trwy osod rhwymedigaethau cliriach ar bersonau atebol i asesu a rheoli risgiau tân a strwythurol tra bod adeilad yn cael ei feddiannu, wedi'i gefnogi gan bwerau gorfodi cadarn ar gyfer awdurdodau lleol ac awdurdodau diogelwch tân.

Er gwaethaf y cynnydd hwn, mae llawer o adeiladau ledled Cymru yn parhau i fod yn anniogel neu wedi'u hadfer yn rhannol yn unig. Mae ffigurau [Ebrill 2026](#) yn dangos, o blith 470 o adeiladau a nodwyd, mai dim ond 90 ohonynt sydd wedi cael gwaith wedi'i gwblhau, tra bod 52% yn aros am eu cyweirio.

Mae [Rhaglen Diogelwch Adeiladau Llywodraeth Cymru](#) yn cynnwys cymorth cyweirio fel [Cronfa Diogelwch Adeiladau Cymru](#) i helpu i fynd i'r afael â diffygion diogelwch tân hysbys, yn enwedig ar gyfer adeiladau 11 metr a throsodd. Fodd bynnag, mae'r ddarpariaeth wedi bod yn arafach ac yn fwy cymhleth nag yr oedd llawer o drigolion wedi'i obeithio, ac mae heriau logistaidd, ariannol a chydymffurfiaeth sylweddol yn parhau.

Mae hyn yn bwysig oherwydd bod adeiladau anniogel yn rhoi preswylwyr mewn perygl gwirioneddol o niwed, yn creu beichiau ariannol i berchnogion tai, ac yn tansilio hyder yn y farchnad dai. Yn aml, mae adeiladau sydd â phroblemau diogelwch tân neu strwythurol heb

eu datrys yn denu costau yswiriant uwch a gallant fod â gwerthoedd isel, tra bod preswylwyr yn byw gyda straen ac ansicrwydd parhaus ynghylch cyflwr eu cartrefi, ac efallai na fyddant yn gallu gwerthu, pe baent yn dymuno symud.

Rhaid i Lywodraeth Cymru:

- Cefnogi adferiad llawn ac amserol o adeiladau anniogel drwy gryfhau mecanweithiau cymorth ariannol a sicrhau bod gan bersonau atebol llwybrau clir i gael mynediad at gronfeydd cyweirio, ar gyfer diffygion diogelwch tân allanol a mewnol.
- Mynd i'r afael â chynnydd araf datblygwyr addawol nad ydynt wedi adfer diffygion diogelwch allanol ar eu hadeiladau eto.
- Ichrhau gweithrediad effeithiol a chymesur o Fil Diogelwch Adeiladau (Cymru).
- Gwella tryloywder ac ymgysylltiad preswylwyr, gan roi gwybodaeth gliriach i breswylwyr am statws diogelwch a chynnydd adfer yn eu hadeiladau, a llwybrau cadarn ar gyfer codi pryderon a datrys anghydfodau.

Trwy ganolbwyntio ar gyweirio a rheoli diogelwch rhagweithiol, gall Cymru adeiladu ar ei diwygiadau deddfwriaethol i sicrhau bod pob preswlydd yn byw mewn cartrefi sydd nid yn unig yn fwy diogel yn ôl y gyfraith, ond yn amlwg yn fwy diogel yn ymarferol.





3. Sicrhau Cynaliadwyedd

Cefnogi datgarboneiddio i gyflawni effeithlonrwydd ynni a Sero Net

Mae Cymru wedi gosod [targedau uchelgeisiol i gyrraedd sero net erbyn 2050](#), gyda thargedau interim yn cynnwys gostyngiad o 63% mewn allyriadau erbyn 2030 a gostyngiad o 58% o dan Gyllideb Carbon 3 (2026–2030). Mae cynlluniau pontio sero net Llywodraeth Cymru yn cydnabod y bydd adeiladau preswyl yn chwarae rhan ganolog wrth gyrraedd y targedau hyn, gan mai nhw yw'r chweched sector â'r allyriadau uchaf yng Nghymru yn 2022.

Eto i gyd, mae uwchraddio adeiladau aml-feddiannaeth i ddiogelu eu perfformiad ynni ar gyfer y dyfodol, lleihau allyriadau carbon a gostwng biliau ynni i drigolion yn heriol. Mae newid hinsawdd yn rhwyo deunyddiau adeiladu ymhellach ac yn dirywio eu hoes.

Mae angen inni ddiogelu blociau o fflatiau ar gyfer y dyfodol, a chael yr ôl-osod yn iawn, neu fel arall bydd lesddeiliaid yng Nghymru yn cael biliau ynni uchel, a chartrefi sydd wedi gorboethi, drafftio neu sy'n gollwng na allant eu gwerthu na byw ynddynt.

Mae rhaglenni fel [Safon Ansawdd Tai Cymru \(2023\)](#), y [Rhaglen Ôl-osod Optimeiddiedig](#), y [Rhaglen Cartrefi Cynnes](#) a [Chartrefi Gwyrdd Cymru](#) wedi'u cynllunio i wella effeithlonrwydd ynni, lleihau tloedi tanwydd a chefnogi'r newid i wresogi carbon isel. Fodd bynnag, mae'r cynnydd yn parhau'n anghyson ac nid yw'r rhan fwyaf o bolisiau cyfredol yn cydnabod yr heriau penodol mewn blociau lesddaliad sy'n atal effeithlonrwydd ynni ac uwchraddio a gwelliannau ôl-osod.

Gyda lesddeiliaid yn talu'r biliau ynni (cynyddol) ar gyfer eu cartrefi eu hunain, a chyfran o'r bil ynni cymunedol ar gyfer eu bloc, **rhaid canolbwyntio ar unwaith ar wella effeithlonrwydd ynni mewn blociau lesddaliad i helpu lesddeiliaid gyda chostau.**

Er gwaethaf uchelgais polisi cryf, mae adeiladau aml-feddiannaeth yn cael eu gadael ar ôl, gan nad yw cynlluniau ariannu grantiau, fframweithiau cyfreithiol a modelau cyflawni presennol yn adlewyrchu eu cymhlethdodau, gan greu rhwystrau ac arafu cynnydd. Mae TPI yn galw am lwybr clir, â chymorth i ddatgarboneiddio, gyda gwell ymgysylltiad ag aelwydydd i sicrhau trosglwyddiad teg.

Rhaid i Lywodraeth Cymru:

1. Deddfu i alluogi uwchraddio effeithlonrwydd ynni ym mhob adeilad prydlesol – gan gynnwys y rhai sydd â chymalau prydles cyfyngol, trwy delerau ymhlyg, i rymuso lesddeiliaid i uwchraddio eu cartrefi a gostwng eu biliau.

2. Gwella mynediad at gynlluniau gwella effeithlonrwydd ynni. Rhaid ystyried blociau prydlesol wrth ddylunio unrhyw bolisi neu gynllun ariannu ôl-osod tai Llywodraeth Cymru, gan sicrhau y gall pob preswlydd – waeth beth fo'u deiliadaeth – elwa o uwchraddio cynaliadwyedd.

3. Cefnogi cynllunio cynnal a chadw hirdymor. Cyflwyno mecanweithiau fel cronfeydd wrth gefn gorfodol a chynlluniau cynnal a chadw strwythuredig i sicrhau bod adeiladau'n cael eu cynnal a'u cadw'n iawn a'u paratoi ar gyfer uwchraddio yn y dyfodol, gan osgoi biliau mawr sydyn a lleihau'r risg y bydd adeiladau'n dirywio oherwydd na ellir sicrhau cyllid.





The
Property
Institute

Maniffesto Cymru

Gwybodaeth Bellach

Os hoffech chi drafod ein maniffesto yn
Fwy manwl, cysylltwch â Thîm Polisi TPI yn
policyteam@tpi.org.uk



E: info@tpi.org.uk

W: tpi.org.uk

The Property Institute
2-4 St George's Road,
Wimbledon, London SW19 4DP